

اؤلکه‌میزده بیرینجی آماری 1275 هجری قمری ایلینده ناصرالدین شاه زمانی و میرزا آقاخان نوری‌نین صدر اعظملیق دؤره‌سینده اولدو. او آمادا، تهران شهری‌نین ائولری و ساختمانلاری سایلمیشدی.



اؤلکه‌میزده بیرینجی آماری 1275 هجری قمری ایلینده ناصرالدین شاه زمانی و میرزا آقاخان نوری‌نین صدر اعظملیق دؤره‌سینده اولدو. او آمادا، تهران شهری‌نین ائولری و ساختمانلاری سایلمیشدی.

دئیه‌سن همان ایل، وزارت طرفیندن جمعیتین سایلی و اقتصادی وضعی باره‌ده آمار توتماق و جمعیت سایلیسی، مسکن و جماعتین گلیر میزانین بللی اولماسی اوچون، ایالتلرین حاکم‌لرینه ده دستورالعمل وئرلمیشدی اما فنی مشکل‌لره گؤره بو دستور اجرا اولونمادی. نهایتده میرزه عبدالغفار نجم‌الدوله، تهرانین جمعیتینی تازا مئتودلارینان، تهران شهرینی بئش یئره بؤلماغینان 55 گونون عرضینده ساییلدی و «دارالخلافة‌نین نفوس تشخیصی» آدیندا رساله‌ده منتشر اولدو. بو آمار توتمادا، تهران شهری بئش محله‌یه بؤلوندو: ارگ، عودلاجان، چالمیدان، سنگلج و بازار. شهرین ائشیکینده‌کی محله‌لره ده بیر طبقه‌ده یئر وئرلمیشدی. بو آمارا اساساً تهران جمعیتی 1286 هجری قمری ایلینده 155736 نفردن چوخ ایدی. بو سایلی‌نین 147256 نفر غیر نظامی و 8480 نفر نظامی ایدیلر. بو آمارا اساساً شهر جمعیتی‌نین یوزده 27-سی اون بئش یاشدان کئچیک ایدی.

تهران جمعیتی‌نین ایکمینجی ساییلماسی، 1301 هجری قمری ایلینده اولدو. بو ساییلما‌دا دا تهران شهری همان بئش یئره بؤلونموشدو. مظفرالدین شاهین دؤردومونجو سلطنت ایلینده یعنی 1317-ده ده تهران بنالاری‌نین آماری توتولدو. بو آمار درویش حسن اخضر علیشاهین واسطه‌سی اینن انجام تاپدی.

1336 هجری قمری ایلینده، دوغوم، اؤلوم، ائولمه و بوشانمالارین ثبتي اوچون ثبت احوال اداره‌سی تأسیس اولدو.